



Broj: 15-03-16-5-186/15
Datum: 18.6.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“ broj 56/08), člana 69. stav 2. tačka d) i člana 70. Zakona o javnim nabavkama BiH („Službeni glasnik BiH“, broj 39/14), direktor Agencije donosi slijedeću:

ODLUKU o poništenju postupka nabavke

I

Poništava se postupak javne nabavke nepersonalizovanih registarskih tablica i folija za bojenje tablica objavljenom na web portalu Agencije za javne nabavke BiH, broj obavještenja: 1110-1-1-3-3-4/15 od 01.04.2015. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima putem pošte u roku od 3 (tri) dana, a najkasnije u roku od 7 (sedam) dana od dana donošenja.

Obrazloženje

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-186/15 od 14.04.2015. godine, konstatovala je da je rok za dostavu ponuda 26.05.2014. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle ukupno dvije ponude i to: Konzorcijuma ASA AUTO d.o.o. KIGd.d. i KIG KGA d.o.o. i Konzorcijuma Lada auto d.o.o. UTAL SP.z.o.o. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što je nijedna od primljenih ponuda nije prihvatljiva, odnosno obe dostavljene ponude su ocijenjene kao nekvalifikovane nakon izvršene provjere kvalifikacije ponuđača prema uslovima učešća u tenderskoj dokumentaciji.

Ponuda ponuđača Konzorcijum ASA AUTO d.o.o. KIGd.d. i KIG KGA d.o.o., nije kvalifikovana i prihvatljiva iz razloga jer navedeni ponuđač nije dostavio slijedeće dokaze tražene tenderskom dokumentacijom:

- Dokumenti kojima se dokazuje da su proizvodnja registarskih tablica i tehničke karakteristike registarskih tablica koje se nude usaglašene sa standardom koji se odnosi na retroreflektivne registarske tablice za motorna vozila i prikolice (ISO 7591/1982 ili ekvivalentni standard). U ponudi je dostavljen certifikat ISO 7591/1982 koji se odnosi na pravno lice koje nije član grupe ponuđača, a nije dokazano da su drugi dokumenti koje je dostavio ekvivalentni navedenom standardu, niti je dokazano da će tablice za koje su dostavljeni dokumenti imaju vezu sa ponuđačem;
- Dokumenti kojima se dokazuje osposobljenost laboratorije ili instituta za provjeru registarskih tablica, te se dokazuje da su rezultati testiranja laboratorije ili instituta prihvaćeni od neke evropske ili međunarodne organizacije za akreditaciju kao što su



European co-operation for Accreditation (EA), International laboratory Accreditation Cooperation (ILAC) i International Accreditation Forum (IAF);

- Dokumenti kojima se dokazuje da su tehničke karakteristike folija za bojenje registarskih tablica koje se nude usaglašene sa standardom koji se odnosi na retroreflektivne registarske tablice za motorna vozila i prikolice (ISO 7591/1982 ili ekvivalentni standard).

Na osnovu navedenog utvrđeno je da ponuđač Konzorcijum ASA AUTO d.o.o. KIGd.d. i KIG KGA d.o.o., nije dostavio tražene dokaze o ispunjavanju uslova tehničke i profesionalne sposobnosti iz članova 48 i 49 Zakona o javnim nabavkama.

Ponuda ponuđača Konzorcijum Lada auto d.o.o. UTAL SP z.o.o., nije kvalifikovana i prihvatljiva iz razloga jer navedeni ponuđač nije dostavio slijedeće dokaze tražene tenderskom dokumentacijom:

- Izjava o prometu u segmentu poslovanja koji je predmet ove nabavke iz koje je moguće utvrditi ukupan promet od minimalno 2.000.000 KM. U ponudi je dostavljena tražena izjava samo za jednog člana grupe ponuđača, dok je drugi član dostavio izjavu da nema prometa u segmentu poslovanja koji je predmet nabavke, iako su dokumenti navedeni pod tačkom 6.4.1 se morali da se dostave za svakog člana grupe ponuđača.
- Dokumenti kojima se dokazuje da su rezultati testiranja laboratorije ili instituta prihvaćeni od neke evropske ili međunarodne organizacije za akreditaciju kao što su European co-operation for Accreditation (EA), International laboratory Accreditation Cooperation (ILAC) i International Accreditation Forum (IAF). U ponudi su dostavljeni rezultati testiranja koji se odnosi na drugu laboratoriju, a ne na onu za koju je dostavljen certifikat tražen tenderskom dokumentacijom;
- Dokumenti kojima se dokazuje da su tehničke karakteristike folija za bojenje registarskih tablica koje se nude usaglašene sa standardom koji se odnosi na retroreflektivne registarske tablice za motorna vozila i prikolice (ISO 7591/1982 ili ekvivalentni standard).

Na osnovu navedenog utvrđeno je da ponuđač Konzorcijum Lada auto d.o.o. UTAL SP z.o.o., nije dostavio tražene dokaze o ispunjavanju uslova ekonomske i finansijske sposobnosti, tehničke i profesionalne sposobnosti iz članova 47, 48 i 49 Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema odluke o izboru najpovoljnijeg ponuđača. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

mr Siniša Macan

Signed by: SMACAN

дигитално потписано / digitalno potpisano / digitally signed